

PIYLIYMON

Pol, Piyliymon Nup Minj Tikak

Minim Nind Niņep

Baybol buk day “Piyliymon” apun biy, Pol buņgiy nuk Piyliymon nup tikak. Bi kun ak Krays nup chingak ak; mindyngip miņmon Kolosiy. Piyliymon nuk bi bap tawiy dap ayek, nup yikop wong giyngip. Bi kun ak yimb nuk Oniysmas. Pen kisen bi Oniysmas kun ak Piyliymon nup kirgiy, pirik am Pol kalambis mindek ak amek, nup Jiysis chinup angiy kumak minim tep ak anggak. Anggak, Jiysis nup gosimb niņiy chingek, minj kun biy tikiy, Oniysmas nup niy angak, “Dam Piyliymon nup ninimin angak.”

Minim Ar Keykey Mindip Rek:

Minim nind angak ak mindip, 1-3.

Pol, Piyliymon giyngip rek niņiy, yimb nup dand aranak minim ak mindip, 4-7.

Piyliymon, Oniysmas nup tip ak dinimin angak minim ak mindip, 8-22.

Minim ang jiwying, “Nimb mindpim” angak minim day ak mindip, 23-25.

1-2 Yand Pol. Jiysis Krays nup wong gen yip kalambis ayey mindpiyn. Mam tep yand Piyliymon; chir wong jimniy gipur. Yand mam chin Timotiy yip mindiy, nimbip minj tiksipur. Nand ak, ay chin Apiya ak, bi Gor wong kilis giy gip Akiypas ak, biynimb korip nand apiy lotiw gipim gok mangiysek, nimbip minj tiksipur.

³Gor apiymiņay nimbip kond minder, nin ar kiy apiymiņay ak mindiy, mindrep ginimimb.

Gor Nup Gosimb Niņying, Biynimb Wasemb Aypan Anggak

4-5 Nand Gor Ninuk nup gosimb niņying, biynimb nuk gok kuyip wasemb aypan ak; per Gor nup angniņying, tep apiyn. ⁶Nup apiyn, “Bapiy. Chin Piyliymon yip minim ang ami y apiy giy mey, chinup biynimb nip ker mindpun gok, yerer gipan ak niņrep giy, nip chingrep yimb ginimuņ apiyn.”

7Pen mam Piyliymon niĵan! Nand Gor biynimb nuk gok kuyip wasemb aypan ak, kuyip tep gip. Yand kunep niĵen tep gek, miñmiñ gipiyn.

Oniysmas Nup Miluk Ma Niĵnimin

8-9Pen Jiysis minim aĵġni taĵen, yip kalambis ayey mindpiyn ak; yip simb niĵiy aĵġnim rek ginimin. Krays binuk mindpiyn rek, nip minim kilis aĵġniĵ apnip ak pen, nand bi mapin yand ak, nip kun ma aĵġnim aĵġiy kirpiyn. 10Pen minim yand ak, ñi Oniysmas nup ma aĵġ ginimin. Nip woĵġ giy kiriĵġ amnak ak, miñiy yand kalambis mindiy, Gor minim tep ak aĵġnien niĵimb ak mey, nup minj sek yoksiypiyn. 11Nip kiriĵġ amnak ak pen, miñiy yip kond mindiy, nip kond mindiy giniĵġamb.

12Pen ñi mapin yand rek ak nip yoksiypiyn. 13Nind aĵġniĵiy minim nip ak diy rek, nup ma yokpinip. Krays minim tep aĵġen, yip kalambis ayey mindpiyn biy, nand ap yip kond mindenimin rek ma ayip ak; Oniysmas yip kond mindombikop. 14Pen yand key nup di mindeniĵayn yipund ma giniĵġamb aĵġiy, nup nind yokiy, nip kisen aĵġniĵsiypiyn. Yip ker tip yokniĵġ yokninin. 15Yand aĵġniĵbiyn-eĵ Gor gek, Oniysmas nip kirgiy amimb ak mey, miñiy perper chingiy mindeniĵayr. 16Bi yikop woĵġ giñemb rek ma mindeniĵġamb; nuk miñiy mam chir omiĵal yipund giy ak, nip chingiy mindeniĵġamb. Nup bi woĵġ giñemb rek ma niĵniĵġamban; nuk Gor binuk bap, namam nand key ak rek mapin niĵniĵġamban. 17Kun ak yip buĵġiy yand yimb aĵġiy niĵban rek, ñi Oniysmas nup aĵġ giyn aĵġiy ma aĵġninin. Nup direp ginimin. Yand amjaken, yip direp gipnap rek ak, nup ginimin. 18Pen nip timey gak akaĵ, tap gunap pen ma ñak aĵġiy, minim gunap mindonimuĵ nup ma aĵġninin; minim kun ak yip aĵġninin. Aĵġey, yand nip pen ñiniĵġayn. 19Niĵind apiyn rek, yimb yand ak aĵġiy, minj sek tikiy aysiypiyn. Pen yand nep Gor minim tep aĵġenik niĵban ak, nip ma aspiyn; nand key niĵban. 20Mam. Krays chirupmiĵay direp gip rek nip aspiyn: Oniysmas nup ma aĵġ ginimin. Yip simb niĵiy ak, nup direp ginimin. 21Apiyn rek, nup direp giniĵġamban aĵġiy, tep gakniĵ minj tiksipiyn.

22Minim nokom bap mindip ak ma apiyn. Yip korip ñiluk miĵġan bap niĵiy gayrep genimin; Gor nup aĵġniĵban rek, maĵ mindip kalambis kirgiy, ninim rek ayip.

Minim Aĵġjiwak

23Binak Epapras kunep Gor minim aĵġñek, nup kalambis ayeyak, yand yip mindpur biy. Nuk “Nip mindpan?” aĵġip. 24Bi woĵġ jimñiy gipun Mak ak, Ariystakas ak, Demas ak, Luk ak “Nip mindpan?” apay. 25Jiysis Krays nip kond mindakniĵ, Gor nup gosimb niĵyiĵġ mindenimin.